



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

XII. Septima apparitio, ad mare Tyberiadis.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

manum meam in latus eius, non credam.

CAPVT XI.

Sexta apparitio octauo die Pasche ob Thomam facta.

**P**ROPHETIAE. Psalm. 76. 2. *Voce mea ad Dominum clamaui: voce mea ad Deum, & intendit mihi.* Psalm. 36. 24. *Cum ceciderit non collidetur: quia Dominus supponit manum suam.* Isai. 57. 18, 19, 20, 21. *Vias eius vidi, & sanaui eum, & reduxi eum, & reddidi consolationes ipsi, & laudentibus eius. Creauit fructum labiorum pacem, pacem ei, qui longe est, & qui prope, dixit Dominus, & sanaui eum. Impy autem quasi mare feruens, quod quiescere non potest, & redundant fluctus eius in conculationem & lutum. Non est pax impys, dicit Dominus Deus.*

**VERITAS.** Ioan. 20. 26. 27. 28. 29. *Et post dies octo iterum erant discipuli eius intus: & Thomas cum eis. Venit Iesus ianuis clausis, & stetit in medio, & dixit pax vobis. Deinde dicit Thoma: infer digitum tuum huc, & noli esse incredulus, sed fidelis. Respondit Thomas, & dixit ei: Dominus meus, & Deus meus. Dixit ei Iesus: quia vidisti me Thoma, credidisti; beati qui non viderunt, & crediderunt.*

CAPVT XII.

Septima apparitio ad mare Tyberiadis

**E**Zech. 47. 1. 2. *Et conuersti me ad portam damus, & ecce aqua egrediebantur subter limen domus*

mus ad Orientem: facies enim domus respiciebat ad  
 Orientem: aquae autem descendebant in latus tem-  
 pli dextrum ad Meridiem altaris. Et eduxit me  
 per viam porta Aquilonis, & conuertit me ad viam  
 foras portam exteriorem, viam quae respiciat ad  
 Orientem, & ecce aquae redundantes a latere dex-  
 tro. Vers. 6. 7. 8. 9. 10. 11. 12. Et dixi ad me:  
 certe vidisti fili hominis. Et eduxit me, & conuer-  
 tit ad ripam torrentis. Cumq; me conuertissem, ecce  
 in ripa torrentis multa nimis ex utraq; parte. Et  
 ait ad me: Aquae istae quae egrediuntur ad tumulus  
 sabuli Orientalis, & descendunt ad plana deserti, in-  
 trabunt mare, & exhibunt, & sanabuntur aqua. Et  
 omnis anima viuens, quae serpit, quocunq; venerit  
 torrens, viuet: & erunt pisces multi satis postquam  
 venerint illuc aqua ista, & sanabuntur, & viuunt  
 omnia, ad quae venerit torrens. Et stabunt super il-  
 las piscatores, ab Engaddi usq; ad Engallim siccatio  
 sagenarum erit: plurimae species erunt piscium eius,  
 sicut pisces maris magni, multitudinis nimis: in li-  
 toribus autem eius, & in palustribus non sanabuntur,  
 quia in salinas dabuntur. Et super torrentem ui-  
 uent in ripis eius ex utraq; parte omne lignum pomi-  
 ferum: non defluet folium ex eo, & non deficiet fructus  
 eius: per singulos menses afferet primitias, quae aqua  
 eius de sanctuario egredientur: & erunt fructus eius  
 in cibum, & folia eius ad medicinam. Templum  
 est Christus, ex cuius latere fluxit aqua. Iona  
 19. 34.

PROPHEZIA. Ierem. 16. 16. Ecce ego  
 mittam

Mittam piscatores multos dicit Dominus, & piscabuntur eos: & post hac mittam eis multos venatores, & venabuntur eos de omni monte, & de omni colle, & de caavernis petrarum.

VERITAS. Ioan. 21. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. Postea manifestauit se iterum Iesus discipulis ad mare Tiberiadis. Manifestauit autem sic: erant simul Simon Petrus, & Thomas, qui dicitur Didymus, & Nathanaël, qui erat à Cana Galilæe & filij Zebedæi, & alij ex discipulis eius duo. Dicit eis Simon Petrus: Vadopiscari. Dicunt ei: Venimus & nos tecum. Et exierunt, & ascenderunt in nauim: & illa nocte nihil prendiderunt. Mane autem facto, stetit Iesus in litorè: non tamen cognouerunt discipuli quia Iesus est. Dixit ergo eis Iesus: Pueri nunquid pulmentarium habetis? Responderunt ei: Non. Dicit eis: Mittite in dexteram nauigij rete: & inuenietis. Miserunt ergo: & iam non valebant illud trahere præ multitudine piscium. Dixit ergo discipulus ille, quem diligebat Iesus, Petro: Dominus est. Simon Petrus cum audisset quia Dominus est, tunica succinxit se (erat enim nudus) & misit se in mare. Alij autem discipuli nauigio venerunt: (non enim longè erant à terra, sed quasi cubitis ducentis) trahentes rete piscium. Vt ergo descenderunt in terram, viderunt prunas positas, & piscem superpositum, & panem. Dicit eis Iesus asferete de piscibus, quos prendidistis nunc. Ascendit autem Simon Petrus, & traxit rete in terram, ple-

num magnis piscibus centum quinquaginta tribus.  
 Et cum tanti essent, non est scissum rete. Dicit ei  
 Iesus: Venite, prandete. Et nemo audebat discumben-  
 tium interrogare eum: Tu quis es? scientes quia Do-  
 minus est. Et venit Iesus, & accepit panem, & dedit eis,  
 & piscem similiter. Hoc iam tertio manifestatum est  
 Iesus discipulis suis cum resurrexisset a mortuis.  
 Cum ergo prandissent, dicit Simoni Petro Iesus: Si-  
 mon Ioannis diligis me plus his? Dicit ei etiam Do-  
 mine, tu scis quia amo te. Dicit ei: pasce agnos meos.  
 Dicit ei iterum: Simon Ioannis, diligis me? At-  
 illi, etiam Domine: tu scis quia amo te. Dicit ei: pas-  
 sce agnos meos. Dicit ei tertio: Simon Ioannis, amas  
 me? Contristatus est Petrus, quia dixit ei tertio,  
 amas me, & dixit ei: Domine tu omnia nosti: tu  
 scis quia amo te. Dixit ei, pasce oves meas. A-  
 men, Amen dico tibi: cum esses iunior, cingebas  
 te, & ambulabas ubi volebas: Cum autem senue-  
 ris, extends manus tuas, & alius te cinget, & ducet  
 quo tu non vis. Hoc autem dixit significans  
 qua morte clarificaturus esset Deum. Et cum  
 hoc dixisset, dicit ei: Sequere me. Conuersus Pe-  
 trus vidit illum discipulum, quem diligebat Iesus,  
 sequentem, qui & recubuit in cœna super pedem eius,  
 & dixit: Domine quis est qui tradet te? Hunc er-  
 go cum vidisset Petrus, dicit Iesu, Domine bis  
 autem quid? Dicit ei Iesus: Sic cum volo  
 manere donec veniam, quid ad  
 te? tu me sequere.

\* \* \*

CAPIT